

مدیر: ابن السری
احمد جودت

مؤسس: ابن السری
مصطفی نامق

آشیان

ادبی، علمی، سیاسی، اجتماعی، فنی، اخلاقی هفته‌لق مجموعه‌در.

پنجشنبه

ایکذبی جلد

نومرو ۲۰

برنجی سنه

۵ محرم ۱۳۲۷

۱۵ کانون ثانی ۱۳۲۴

مندرجات

ایکذبی بیت عبدالحق حامد	امام غزالی ابن حازم فرید
مایسندی پنجره‌مزدن . . حسین سیرت	بایراق سلیمان بحری
بونلر کیملردر علی سعاد	شویه‌نہاؤور عاقل قویونجو
فاسفی بر مناقشه جیل	قادرین روحی جیل سلیمان
عشق احمد هاشم	عفو مشتاق

استانبول

محل اداروسی: جفال اوغلندہ اداره مخصوصه

جفال اوغلندہ ایاصوفیه جادہ‌سندہ: «مطبعه خیریه وشرکاتی»

۱۳۲۴





قادين روحى

- مابعد -

شمى بو برسنهك حيات سودانك، كندى دماغندهكى دائره شمولى
آشامايان احتساسات مكتومه خسراتى برر برر اوكتودبع ايتش اولقندن
برحظ معنوى آلارق كيتدكجه كسب كشايش ايدن برسانحه حسيه ايله بوتون
اوسلسله تاثرات روحيه، افادملرنده هيچ برتكلفه رعايت ايتك جهته حصر
فكر ايتكسزىن اوكنده دوران كاغده نقل ايدىيور وبويىناض زمين اوزرنده
قوشان قلمك اوچنده گلر، اوزايارق، قيوريلارق برر شكل مخصوص آلدقندن
صوكر ا بربرى تعقيب ايدن كوچوك حشره لر كى توالى ايدر كن بعضاً بريره
ايلشهرك برمدت قاليور ووافق برتوقفدن صوكر ا تكرار قوت آلارق حر كته
كليور وبويله جه صحيفه لر كيتدكجه تعدد ايدىيوردي . . .

اونى ايلك كوردىكى كوندن اعتباراً اودقيقه يه قدر كذران ايدن بوتون
اوانات حسياتى بعضاً اجمال ايدرك بعض جهتلرني تعميق وتحليل ايدرك
تشرىح ايتدى. وصوكنده، اوندى اوافق برلطف مرحمت تبنى ايدن سوزش
استرحام ايله مكتوبنه نهايت ويردى. كيم بيلير؟ بونى اوقودىنى زمان نه قدر
متاثر اولاجقدى! . . . شمدى ذهنده بونى دوشونور كن؛ اونك، قايسى
سورمه ليهر ك بريسك كورم بياهمه سندن احترازاً عجله ايله قوينته صوقدىنى
بومكتوبى؛ خاجانندن نيزه ين آلريله اورادن، تاقابنك اوزرنده تخصيىص
ايدىلن موقعدن چيقاردقندن صوكر ا كوزلرنده برلعه تجسسله نصل قابى چارپارق
اوقودىنى؛ وآياقلىرىنك آلتى سهريلىن بوتون بو نوحات روحيه قارشىسېنده،
قادىناغنىك اوآنده غليان ايدن رقتلريله مغلوب اولارق تاثرندن اغلادىنى تصور
ايتدى. صوكر ا، حسياتنه تماميله اشتراك ايتدككته دائر ايكى سطرارق بر جواب ايله
مقابله ايتدىكى دوشوندى. ايسته اوزمان وصولنه امكان تصور ايديله مەين

امیدلر؛ بر آن ایچنده تحقیق ایتش اولاجق.. و اودقیقه دن اعتباراً بر رابطه قویه ایله برلشن بو ایکی قلب سودا کار آره سنده، حرارتلی بر معاشقه نك احتیاسات متقابلہ روحیه سی ایله ابدی بر مناسبت مغنویه باشلا یا جقدی . . .

وداد بهجت، تصوراتی ده ایلری یه کوتورمک ایسته دی. صو کرا بودرجه خیالیانکی بر آز زائد بولارق بر رجعت فکریه ایله تصوراتی تعدیل ایتدی. بردنره اوکا اعتماد ایتک بالخاصه مسائل روحیه ده اونک لهنده اداره افکار ایتک قدر یا کلس بر حرکت اولامازدی. و داد بهجتی اک زیاده نومید ایدن بو، ایدی. فقط بومکتوبک، اونک اوزرنده حاصل ایده جکی تأثیری دوشوندکجه انسانلری، هر دور لو احتماله قارشى دائماً امیده سوق ایدن بر میل درونله متسلی اولیوردی. اونک بومکتوب اوزرینه پکده لاقید قالامیه جغه قناعت حاصل ایتدکن صو کرا مسوده لری یازنخانه نك کیزلی بر کوشه سنه صاقلایارق قالقدی. ایرتسی کونی مکتبدن عودت ایتدکن صو کرا همان تییض ایدوب مدیحه یه و بره جکدی. بونی، ذهنده قرار لاشدیردکن صو کرا آرتق ممانیله مستریج ایدی. یازنخانه نك اوزرنده ساعته باقدی. ساعت اون ایکی ایدی. وقتک بودرجه ایلریله مش اولدیغنه حیرت ایدره ک لامباسنی سوندیردی. همان برساعت صو کرا صباح اولاجقدی. وقت معتادنده مکتبه یتشمک مجبوریتیه همان یاتاغنه کیردی. شمدی یورغون دماغی اوزرنده، حافظه سنی تضییق ایدن بر ثقلت خواب ایله یاواش یاواش کندنندن کچرکن ذهنده هپ او، امیدلرینک احتمال تحقیقه کولومسه ین بر استقبال مسعودک خولیای لطیفیه دالدى . . . و داد بهجت، اویویوردی . . .

ایرتسی کونی مکتبه، هپ اونی دوشوندی. بوتون کون، مدید بر خاجان ایچنده کچدی. نهایت مکتبدن چیقوبده اوه کلدیکی زمان مدیحه یی اوراده بولدی. اونی کورر کورمز بردن قای چارپمش وکویا بوتیجه نك او آنده حصونندن دویولان بر مسرتله تیتزه مشدی. همان اوداسنه چیقارق مکتوبی تییضه باشلادی . . . بر آز صو کرا مدیحه، ایچری یه کیردک هر زمانکی شاقراقایله اوکا بربری آرقاسنده سوألر ایراد ایدرکن اوقیصه جوابلرله

یازیسنه دوام ای دییوردی. نهایت مکتوبی بیتیرنجه، اونی یاننه چاغیرارق اطرافدن ایشیدلمکدن احتراز ایدن خفیف برصدا ایله :

— سکا برشی سویله سه م، کیمسه یه سویله مز میسک؟ ... دیدی .

او، کندیسنه تودیعی ایدلمک ایسته ن بوسرک نه اولدیغنی اکلامق ایچون قولاق قابارتارق دیکلیوردی . و داد بهجتک سوآلی اوزرینه :

— خیر، سویله م ... دیدی .

و داد بهجت، لاقردی یه باشلامدن اول اونی استتقاق ایتدی :

— آبلاک اوده می؟ ... دیدی .

او، بلاتردد :

— اوده ... دیدی .

صو کرا علاوه ایتدی :

— مادمازله فرانسه زجه اوقویورلر ...

— سکا بومکتوبی ویریر سه م کیمسه کورمه دن آبلاکه ویریر میسک؟ ...

— ویریرم ... دیدی .

صو کرا ماصانک اوزرنده، کوزی رسمی بررساله یه ایلیشه رک :

بونى بکا ویریر میسکز؟ ... دیدی .

* و داد بهجت، تردد ایتمه دن رساله یی اوکا ویردی . مدیحه مسرتندن، دها

زیاده دورامایارق قوشدی کیتدی . شمعی و داد بهجت مکتوبک نصل برتأثیر

حاصل ایده جکنى دوشونورکن قلبی چارپیوردی . مکتوب بش دقیقه صو کرا

اونک آئنده بولناجقدی . برمدت عصی، اودانک ایچنده دولاشدی . صو کرا

ذهناً اونک اوه کیتدیکنی حساب ایتدی . بلکه شودقیقه ده مکتوبی آلمشدی .

اونی، مدیحه نك آئنده کورونجه برحس تجسسله صوراچق و صو کرا و داددن

کلدیکنی اکلا نیجه قلبی لطیف برتجسسله چارپارق اوداسنه چکیله جک وهیجانله

ظرفی آچارق کیزلیجه اوقویاجقدی . کیم بیایر؟ بلکه ده یاریم ساعت صو کرا

جوانی کوندره جکدی . صو کرا بونک عکسنى دوشوندى . احتمال مکتوبی

مدیحه نك آئنده کورونجه حدتله نهرک اوکا بردها و دادک یاننه کیتمه می ایچون

تنیہاتده بولوندقدن صوگرا اونی مینی مینی شمارلرله تأدیب ایدم جکدی . ایشته
 اوزمان و داد بهجت ایچون بردوره یأس ونومیدی باشلامش اولاجقدی ...
 شمدی پچرده مدیحه بی بکلیوردی . ایجه زمان کجدیکی حالده مدیحه
 الان کورونمه مشدی . اونک بودرجه تأخری احتمال ، آئنده اوراق بر مکتوبله
 کله جکنه دلیل ایدی . برآز صوگرا مدیحه بی قاپینک اوکنده آراباجی ایله
 قونوشورکن کوردی . مکتوبی ویرمش اولدیغنه آرتق شهبه سی قالمامشدی .
 حالنده تکدیر ایدلایکنه دائر برامارده کورولموردی . قلمبند عظیم برانشراحله
 قالقدی . صوگرا پانچورلری برآز آچارق مدیحه یه سسله ندی . او ، ابتدا
 ایشیمه مشدی . صوگرا پچره نك آلتنه کله رك وایکی آلتی اغزینه سپی ایدرهك :
 — ویردم ... دیدی .

وداد آرتق تمامیه مستریخ ایدی ...

— مایعدی وار —

جمیل سلیمان

